


TALENT



FIFPro
World Players' Union



Besplatna
brošura za
članove
SPFBiH
Februar 2019.
Broj 2

**Sindikat profesionalnih fudbalera u Bosni i Hercegovini
(SPF u BiH)**

**Sindikat profesionalnih nogometaša u Bosni i Hercegovini
(SPN u BiH)**

**Синдикат професионалних ногометаша у Босни и
Херцеговини
(СПФ у БиХ)**

**Obala Kulina Bana br. 1
71000 Sarajevo
Bosna i Hercegovina
Tel/fax: +387/33 201 431
E-mail: info@spfbih.ba
Web: www.spfbih.ba**



@SPFBIHBA



@sindikatprofesionalnihfudbalera



@sindikatprofesionalnihfudbalera

Poštovani,

Sindikata profesionalnih fudbalera u Bosni i Hercegovini u sklopu svog djelovanja, između ostalog, nastoji edukovati fudbalere, trenere i igrači u našoj državi.

Fokus su naravno mladi igrači, koji vrlo često imaju problema kada je u pitanju adaptacija na seniorski fudbal.

Brojni su izazovi sa kojima se susreću mladi fudbaleri u Bosni i Hercegovini i njihov igrački kvalitet nije presudni faktor koji će odrediti tok njihove karijere.

Psihološka stabilnost, saradnja sa saigračima, zdravlje i vođenje ispravnog života samo su neki od faktora, koji čine sastavni dio fudbalske svakodnevnice.

U brošuri posvećenoj mladim fudbalerima donijet ćemo neke smjernice i upute za njihov daljnji razvoj, te dati možda neke odgovore na pitanja koja sebi često postavljaju.

U narednim izdanjima obradit ćemo i druge teme i nadamo se da ćete uživati u edukativnom sadržaju na narednim stranicama.

S poštovanjem,

Sindikata profesionalnih fudbalera u BiH.

Dear,

The Union of Professional Footballers in Bosnia and Herzegovina, within its activities, among other things, tries to educate footballers, coaches and players in our country. The focal point is, of course, young players, who often have problems when it comes to adaptation to senior football.

There are numerous challenges faced by young footballers in Bosnia and Herzegovina and their playing quality is not a decisive factor that will determine the course of their career.

Psychological stability, cooperation with teammates, health and keeping a good life are just some of the factors that make up an integral part of a football every day.

In the first brochure dedicated to young footballers, we will issue some guidelines and instructions for their further development, and maybe give some answers to the questions that they often ask themselves.

In the next edition, we will also handle other topics and we hope that you will enjoy the educational content on the following pages.

With respect,

Union of Professional Footballers in B&H

Dana 17.01.2016. godine osnovan je Sindikat profesionalnih fudbalera Bosne i Hercegovine (SPFBiH).

Pokretač ideje za osnivanjem organizacije je Aldin Đidić, bivši fudbaler, reprezentativac i fudbalski trener.



CILJEVI I DJELATNOSTI

- ostvarivanje i zaštita prava zaposlenih fudbalera u Bosni i Hercegovini iz radnog odnosa i po osnovu radnog odnosa, u odnosu na klubove sa kojima imaju profesionalni ugovor;
- osiguranje preduslova za slobodno sindikalno djelovanje;
- pružanje pravne pomoći za članove Sindikata iz radno – pravne oblasti,
- pomoć u pružanju pravnih savjeta iz oblasti radnih odnosa;
- iniciranje i učestvovanje u priprema i predlaganje zakona i podzakonskih akata koji regulišu sport u Bosni i Hercegovini;
- iniciranje i učestvovanje u pripremi i zaključivanju kolektivnog ugovora u oblasti sporta;
- ostvarivanje saradnje sa ostalim sindikatima u Bosni i Hercegovini;
- rad na pružanju materijalne pomoći članovima Sindikata,
- zaštita i unapređivanje profesionalnih, radnih, ekonomskih i socijalnih prava fudbalera angažovanih u profesionalnom fudbalu;
- unapređivanje sistema zdravstvene i socijalne zaštite i sigurnosti fudbalera;
- organiziranje tribina s ciljem demokratizacije sporta, promovisanja solidarnosti, promicanja jednakosti (stop rasizmu), promicanja nenasilja (stop nasilju), borbe protiv diskriminacije, te poticanja poštivanja moralnih i pravnih normi u fudbalu;
- saradnja s međunarodnim i domaćim organizacijama koje obavljaju iste ili slične djelatnosti;
- izdavanje publikacija iz područja djelatnosti Sindikata, u skladu sa Zakonom;
- rad na organiziranju savjetovanja i drugih oblika edukacija članova Sindikata radi upoznavanja članova sa svim elementima sudskih, arbitražnih i disciplinskih postupaka u fudbalu.



Ulazimo u finiš premijerligaške sezone 2018/19. Nakon duge zimske pauze gledaoci na bh.terenima došli su na svoje. Do sada svjedočili smo nekoliko izvrsnih utakmica, a ono najzanimljivije je tek pred nama.

U mjesecu maju bit će poznat konačan rasplata tekuće sezone. U borbi za vrh dugo vremena se činilo da je FK Sarajevo već jednom rukom na šampionskom trofeju, no poslije nekoliko slabijih rezultata, Zrinjski je ponovo u punoj igri, te je prva i jedina prijetnja koševskom premijerligašu do kraja.

Nekoliko klubova je u igri za mjesta koja vode u Evropi, a ta borba je naročito zanimljiva. Široki Brijeg, Željezničar, Čelik, Sloboda, Radnik i Mladost imaju šanse da izbore plasman u međunarodno takmičenje, a obzirom da je u finalu kupa na rasporedu duel Sarajeva i Širokog Brijega, i četvroplasirani tim predstavljat će našu državu ovog ljeta. Ostaje da vidimo koji klubovi će imati najviše snage da zauzmu mjesta u samom vrhu.


Krupa i GOŠK su trenutno najugroženiji timovi, no poslije nekoliko dobrih rezultata, oni su jasno dali do znanja da odlazak u niži rang za njih nije opcija.

Sve počinje 9. marta kada ćemo na Mojoj TV gledati meč Sloboda-Željezničar, a na BHT1 Mladost-Zrinjski.


Očekuje nas vrlo zanimljiv finiš, a tradicionalno naša organizacija organizovat će krajem sezone manifestaciju Kristalnih 11, gdje će igrači po njihovom izboru odlučiti ko su najbolji pojedinci ove sezone.

Svim klubovima i fudbalerima želimo puno sreće!

Zajedno za bolje sutra bh. fudbala.







Posljednjih pet osvajača Kupa BiH

17/18 FK Željezničar Sarajevo
 16/17 NK Široki Brijeg
 15/16 FK Radnik Bijelina
 14/15 FK Olimpik Sarajevo
 13/14 FK Sarajevo

Rekorderi po broju titula Kupa:

FK Željezničar 6
 FK Sarajevo 5
 NK Široki Brijeg 3

Hrana nam daje energiju i snagu za naše mišiće i organe.

Fudbal zahtjeva mnogo vježbanja i zato je potrebno da imamo rezerve energije.

Koliko energije imamo u tijelu umnogome zavisi od našeg šećera u krvi. Kada previše jedemo, brže se gojimo. Što smo teži to pravimo veće opterećenje za naše mišiće. Ovo umanjuje našu okretljivost i brzinu. Ako jedemo malo, postajemo slabi i naši mišići ne mogu da odgovore našim fizičkim zahtjevima.

Zdrava ishrana je ključna stvar za bavljenje sportom.

ŠTA JESTI I KADA?

Vremenska odrednica u ishrani je najbitnija. Na dan utakmice ne bi trebalo da se unose masnoća i proteini, jer je hrani ovog sastava puno vremena potrebno da se svare. Jelo na dan utakmice treba da bude 3 do 4 sata prije. Vaše jelo za dan utakmice treba da bude: bogato ugljenim-hidratima, nizak sadržaj masti i proteina, kao i vlakana, lagano za varenje. Idealna hrana za ovu priliku je: doručak s mlijekom niske masti, tost ili hleb s džemom ili medom, sendviči s bananom, džemom ili medom, pasta ili špinat sa sosom koji ima nizak nivo masti, voće i sok od narandže.

Užina koja je bogata ugljenim-hidratima može da se pojede dva sata pred utakmicu, naravno ovo vrijeme koje smo naveli je opet proizvoljno i nije sveobuhvatno, jer svaki organizam je različit i drugačije vari hranu.

Kada se završi utakmica, potrebno je da se unesu ugljeni-hidrati čim prije, kao i izgubljena tečnost.

U toku „hlađenja“ poslije utakmice poželjno je da se pojede neka čokoladica, a poslije toga obrok bogat ugljenim-hidratima, poput paste, špinat, nudle, hleb, krompir.

U prvoj tabeli nalazi se hrana koja je bogata ugljenim-hidratima. Najbolje bi bilo da se ova hrana što češće konzumira.

U drugoj tabeli se nalaze jednostavni ugljeni hidrati koji bi trebalo umjereno da se koriste. Najbolje kao užina između obroka. Naravno, svi ugljeni hidrati koji se koriste moraju da se pravilno unose s određenom dozom proteina, masti, s dosta voća i povrća.

Složeni ugljeni hidrati:	Jednostavni ugljeni hidrati:	Mešoviti ugljeni-hidrati:
Hleb	Šećer	Torta
Pasta	Džem	Kolači
Pirinač	Med	Puding
Nudle	Jogurt	Slatka peciva
Cerealije	Sladoled	Čizkejk
Pasulj	Žele	Slatke cerealijske
Kruške, breskve	Suvo grožđe	Banane
Krompiri		Grožđe
Kukuruz šećerac		Pomorandže

Tabela zdrava ishrana

Željno iščekivanje. Rituali prije utakmice. Rituali poslije utakmice. Mnogi sportisti napreduju u timskom sportu, a za uzvrat se poboljšava i njihova forma.

Ali šta je s onima koji ne uspijevaju odmah?

Šta ako vole sport, ali brinu u vezi povreda ili svoje vještine?

Šta ako osjećate anksioznost veće prije utakmice?

Sa sportom dolazi stres, na terenu i van njega. Ponekad taj stres može da preraste u anksioznost i strah, i da spriječi djecu da maksimalno uživaju u sportu. Može čak i da spriječi vaše dijete da proba nešto novo ili da ostane u sportu na koji je krenulo. Evo nekih savjeta kako da pomognete mladom sportisti da premaši česte strahove vezane za sport.

Svi prave greške! To je način na koji učimo.

Budite sigurni da mladi sportista zna da greške nisu samo dio života, one su obavezan stepenik ka poboljšanju. Pokušajte da s njim podijelite priče o vlastitim greškama ili istaknite primjere grešaka koje su pravili profesionalni sportisti. Na primjer, fudbaleri promaše penal u posljednjem minutu. Greške su dio sporta.

Ljudi promatraju, a to me čini nervoznim.

Strah od nastupa imaju svi, od glumaca i pjevača do sportista. Neki ljudi koji moraju da nastupaju pred publikom razvijaju posebnu ličnost na dan utakmice da bi



se osjećali hrabrije. Sportista može da koristi alter ego, na primjer mnogima je poznat Bijonsi alter ego za scenu Saša Firs.

Pitajte da li želi mladi sportista da koristi posebnu ličnost za dan utakmice, a onda mu pomozite da je razvije.

Još neke strategije su recimo vježba pred manjom publikom, slušanje omiljene pjesme prije utakmice ili razgovor sa suigračima.

Kao porodica, korištenje nervoze u pozitivnom smislu također može da pomogne.

Podsjetite vaše dijete da nervoza znači da mu je stalo do sporta kojim se bavi, a to je kvalitetna osobina koju imaju sportisti i timski igrači.

Šta ako ne budem dovoljno dobar? Želim da budem savršen!

Neki igrači su perfekcionista. U sportu, to može da bude mač s dvije oštrice. Naravno da je odlično kada žele da nešto bude dobro urađeno, ali savršenstvo je često nedostižno.

Fokusrirajte se ipak na usavršavanje svojih individualnih osobina i da naporno trenirate. Sportisti i treneri koji koriste ovakav pristup su uspješniji, i više uživaju u sportu.

Ne želim da bilo koga razočaram.

Kada je riječ o strahu, prvo se pogledajte u ogledalo.

Da li su vaše emocije i osjećaj vrijednosti povezani sa sportskim ostvarenjima?

Da li ponovo proživljavate svoje sportske snove?

Poslušajte Krega Sigla, svjetski priznatog eksperta za mentalno zdravlje sportista i nemojte stvarati dodatni pritisak sebi.



Plašim se da ću da se povrijedim!

Povrede su realna opasnost u sportu.

Strah da se ne povrede ili da ne povrede nekog drugog mogu da obeshrabre.

Radite na postepenim strategijama za premašivanje ovog straha.

Vježbajte metode bezbjednosti kako biste se ohrabрили da se fokusirate na trenutno dešavanje na utakmici, a ne da razmišlja o tome šta može da se desi na terenu.



Da biste postali profesionalni fudbaler nije dovoljno samo da budete dobar atleta. Potrebna je posvećenost, planiranje i dosta sreće. Iako nije nemoguća misija, šanse da ćete postati profesionalac su male, čak iako ste odličan atleta. Da biste poboljšali šanse za uspjeh, počnite da igrate fudbal još u školi. Naučite kako da „prodate“ sebe kao sportistu, i razmislite o tome da unajmite menadžera koji će vas predstavljati.

1. Igrajte fudbal

Počnite na vrijeme. Veoma je važno da razvijete fizičke vještine što je ranije moguće. Većina profesionalnih fudbalera igra fudbal od srednjoškolskih dana. Ako ste završili srednju školu, a i dalje imate želju da se bavite fudbalom, učlanite se u neki lokalni klub, ili pronađite kamp koji vam odgovara. Dajte sve od sebe da unaprijedite vještine i znanje o fudbalu.

2. Vježbajte

U toku srednje škole bi trebalo da trenirate između 10 i 15 sati nedjeljno. Nakon toga pojačajte treninge na 25 do 30 sati nedjeljno. Da biste postali profesionalac, morate da igrate fudbal što češće. Nikako nemojte da prekinete treniranje kada se sezona završi. Budite spremni da sve druge obaveze podredite treniranju. Ako želite da budete profesionalac, morate da uložite dosta vremena i budete posvećeni.

3. Obratite pažnju na skaute

Ako neki skaut posjeti vašu školu ili akademiju, dajte sve od sebe da se predstavite u najboljem izdanju. Ali nemojte da se pravite važni ili da omalovažavate suigrače. Skauti žele da vide kako igrate fudbal, ali i kako se ponašate prema drugima. Održavajte dobar odnos s trenerom. On poznaje mnogo skauta i može da vas preporuči. A preporuka trenera može da bude presudni faktor koji može da doprinese da skaut izabere baš vas. Bez obzira na sve, zadržite pozitivan stav. Budite energični i pozitivni u toku zagrijavanja. Ako dobijete negativan komentar skauta, izvucite pouku iz toga i nastavite dalje. Trudite se da svakog dana unaprjeđujete vještine.

4. Napišite fudbalsku biografiju

Navedite osnovne informacije, poziciju na kojoj igrate i sve što ste postigli kao igrač. Kao u svakoj drugoj biografiji, navedite sve što je bitno za ciljeve koje imate. Ako ste sudjelovali ili radili na nekom kampu, ili pomagali treneru, obavezno navedite i te podatke. Bitno je da pomenete sve što vas izdvaja u odnosu na konkurenciju. Vaš cilj je profesionalni fudbal bude vaša profesija, pa se potrudite da i biografija bude na tom nivou.

5. Pomijenite novinske članke i vijesti u kojima se govori o vama

Pronađite sve članke u kojima se pominjete vi ili vaš tim, čak i ako je u pitanju vest lokalnih novina iz vaših srednjoškolskih dana. Pronađite video snimke svog tima i izdvojite akcije u kojima se ističete. Dogovorite se s nekim drugom ili članom porodice da vas snima u toku utakmice da biste kasnije mogli da izaberete najbolje poteze.

6. Predstavite se klubovima

Pošaljite svoj promotivni materijal klubovima za koje biste željeli da igrate. Nikako nemojte da zaboravite da nakon slanja materijala ponovo stupite u kontakt sa svakim klubom kom se obratite. Pozovite ili pošaljite mejl da biste potvrdili želju da se pridružite timu. Obavezno se zahvalite svakom klubu koji ne bude zainteresiran da vas angažuje. Recite da cijenite vrijeme koje su uložili u razmatranje vaše prijave. Ako vas baš nijedan klub ne izabere, nemojte da odustanete. Potražite neku drugu ligu kojoj biste mogli da se priključite i stječete iskustvo. Redovno dopunjavajte biografiju i promotivni materijal i nastavite da šaljete ponude klubovima.



Igre za razvijanje timskog duha

„Šuge“ – Na prostoru 40x30 metara dajte svakom igraču loptu i partnera. Kada „šuga“ (onaj koji juri) svojom loptom dodirne loptu svog partnera, igrači mijenjaju uloge.

Druga verzija: Napravite dva tima da bi igra bila dinamičnija, dajte svakom timu po 2 minuta za napad i upisujte poene za svaki put kada dodirnu loptu drugog tima. Tim koji ima više poena na kraju igre je pobjednik.




„Obojeno dodavanje“ – Polovina igrača nosi crvene markere, druga polovina plave. Timovi koji igraju zajedno u istom prostoru kombinuju redoslijed dodavanja plavi-plavi-crveni-crveni-plavi-plavi-crveni i tako dalje. Lopta mora brzo da se kreće, igrači moraju stalno da budu u pokretu i lopta ne smije da napusti prostor za igru. Trener po potrebi može da ograniči broj kontakta s loptom, da odredi kojom nogom se dodaje ili kojom stranom stopala treba šutirati. Kada igrači mogu pravilno da urade prvi dio i bez čestih grešaka, promijenite redoslijed u plavi-plavi-plavi-crveni-crveni-crveni-plavi-plavi-plavi i tako dalje. Organizujte igru da bude takmičarska tako što ćete brojati greške koje igrači prave, i smanjivanjem dozvoljenog broja grešaka.

„Sredinice“ – Timovi igraju „u sredini“ s jednom loptom na zemlji.

Međutim, igrači odbrane se ne brane kao što bi to inače radili u fudbalu.

Tim koji igra odbranu ima dvije lopte u rukama i cilj je da njima pogode loptu koja je na zemlji da bi osvojili posjed.

Ako bilo kojom od te dvije lopte igrači odbrane pogode loptu na zemlji, mijenjaju se uloge.



Sindikata profesionalnih fudbalera u Bosni i Hercegovini početkom 2019 -te godine dobio je nagradu za najbolju sindikalnu organizaciju u državi, u protekloj godini. To je bio povod razgovora za osnivačem organizacije, Aldinom Đidićem.



• **Šta je ono što bi ste posebno izdvojili u radu Sindikata fudbalera od osnivanja?**

Aldin Đidić: "Iza nas je jedan vrlo zahtjevan period, pun izazova i uspjeli smo do sada mnogo toga korisnog uraditi za fudbalere iz čitave Bosne i Hercegovine. U prvih mah pokretanje ove organizacije bila je samo ideja, a danas, dvije godine poslije, smo priznati od međunarodnih organizacija, te pouzdan partner fudbalera i bitan dio bh. sportske svakodnevice."

• **Da li imate razumijevanje od institucija i Ministarstva sporta ?**

Aldin Đidić: "Tek ćemo u narednom periodu vidjeti da li imamo razumijevanje i kolika je briga za položajem profesionalnih sportista i vrhunskog sporta uopće. U 2019 -toj godini imamo konkretne planove i programske zadatke koje želimo ispuniti i tiču se direktne zakonske promjene određenih regulativa, za šta će razumijevanje morati pokazati institucije i nadležna ministarstva."

• **Koji su trenutno vaši ključni problemi na koje nailazite u radu?**

Aldin Đidić: "Sport je najljepša stvar za svijetu po nama i samim tim, ne želimo imati negativnu retoriku i govoriti o ključnim problemima. Za nas su to izazovi koje trebamo proći, a tiču se prije svega nepostojanja krovnog rješenja za sport u vidu sveobuhvatnog zakona o sportu koji bi definirao mnogo toga što otežava svim akterima bavljenje sportom. Sportska infrastruktura u našoj državi zaostaje za europskim, pa čak i regionalnim standardima i u tom segmentu nastojimo javno postavljati pitanja i otvoriti diskusije kako bi povećali svijest o tome. Također, složenost državne administracije se reflektira i na sport u vidu sudskih procedura i slično, gdje bi poslovni tokovi morali ići puno brže."

• **Kako ocjenjujete položaj fudbalera pa i svih sportista u BiH?**

Aldin Đidić: "Kada je u pitanju položaj fudbalera u Bosni i Hercegovini imaju sve pogodnosti i protekciju poput fudbalera u najboljim europskim ili svjetskim ligama zahvaljujući našoj organizaciji. Mi smo dostupni igračima 00/24 za svaki problem kojeg imaju i kada se nađu u određenom statusnom problemu nastojimo pomoći. Do sada smo svaki slučaj dobili u korist igrača i nadam se da će tako biti i u budućnosti."

- **Iznenaduje da fudbaleri koji su ostvarili karijere u inostranstvu zaboravljaju na domovinu i na vrijeme kad su oni bili u položaju u kojem se sada nalaze mnogi fudbaleri u BiH.**

Aldin Đidić: "Dijelim mišljenje da je to jedna situacija koja se treba riješiti na drugi način. Iz svog iskustva mogu reći, obzirom da sam igrao dugi niz godina u inostranstvu, nije bilo dileme za povratkom nazad u BiH.

Želio sam ovdje pomoći kolegama, prijateljima sportistima i mogu samo pozvati naše druge, istaknute sportiste da naprave svoj doprinos u poboljšanju bh. sporta."

- **Kakav imate odnos sa SSSBiH ?**

Aldin Đidić: "U narednom periodu želimo dodatno proširiti naš rad na oblasti zdravlja u smislu edukacija o prevenciji od povreda i važnosti očuvanja mentalnog zdravlja, također, kroz organizaciju edukacija želimo potaći fudbalere na razmišljanja o životu nakon profesionalne karijere, te u pružanju pravne pomoći igračima želimo biti još efikasniji kako bi rješavali njihove statusne probleme. Također, nastojat ćemo da koristimo naš položaj, kako bi postavili određena pitanja i javno govorili o stvarima koje koče napredak našeg sporta."

- **Je li vrijeme da Sindikat fudbalera preraste u Sindikat svih sportista u BiH?**

Aldin Đidić: "Mi nemamo namjere naše djelovanje proširiti na druge sportove s obzirom na to da smo zaista okupirani poslom kada je u pitanju Sindikat profesionalnih fudbalera u BiH, no bilo bi nam drago ako bi se kroz naš primjer pojavile slične organizacije za rukomet, košarku ili druge sportove i naravno svima koji imaju takve ideje možemo pomoći."



I, ove godine Sindikat profesionalnih fudbalera u Bosni i Hercegovini organizovat će manifestaciju pod nazivom "Kristalnih 11".

Već treći put proglasit će se najbolji pojedinci Premijer lige BiH, a ove godine bit će urađeni određeni noviteti.

U skladu sa razvojem organizacije, standardni organizacije događaja će se unaprijediti, a ove godine, tačnije 23. maja "Kristalnih 11" održat će se u prelijepoj sarajevskoj Vijećnici.

Obezbijeđen je direktan televizijski prijenos. Sport Klub TV, kanal sa regionalnom frekvencijom uživo će raditi program iz Vijećnice, a gledaoci svih zemalja sa prostora bivše Jugoslavije imat će priliku da gledaju sliku iz glavnog grada BiH, u kojoj će sportisti biti u fokus.

"Kristalnih 11" se bira na način da svi igrači premijerligaških klubova glasaju i biraju najbolju jedanaestorku po pozicijama (golman, odbrana, vezni red, napad), te uz to glasaju i za najboljeg igrača lige, najboljeg mladog igrača, te najboljeg trenera. I ove godine izabrat ćemo i najbolju trenericu Ženske Premijer lige BiH i najbolju igračicu. Glasanje započet će krajem aprila i trajat će sve do polovine mjeseca maja.

Ovogodišnjoj manifestaciji prisustvovati će eminentna lica bh. fudbala, sportske legende, koji će svojim dolaskom dodatno uveličati događaj, koji je postao već sada možemo reći zaseban brend i regionalno poznat.

Ko su po vama "Kristalnih 11" za sezonu 2018/19?



INFORMACIJE O ČLANSTVU

- Članovi Sindikata profesionalnih fudbalera u BiH mogu biti domaći i strani profesionalci u državi, treneri, bivši igrači i igračice.
- Godišnja članarina iznosi 50,00 KM i plaća se jednokratno na račun sindikata prikazan na pristupnici.
- Sredstva prikupljena od članarina su sredstva i služe samo za hitne potrebe igrača, poput sufinansiranja operativnih zahvata, smještaja, hranarine ili tragičnih porodičnih slučajeva. Što više igrača izmiri članarinu, toliko će SPFBiH moći pomoći pored svojih ličnih resursa.
- Članovi koji izmire svoju godišnju članarinu mogu uživati BESPLATNU pravu pomoć i konsultacije. Brinite o svom statusu i prije nego što se nađete u problemu.
- Zajednička nam je misija organizovan i stabilan fudbal u BiH, koji će igrača staviti na prvo mjesto. Skupa možemo donijeti boljitak najvažnijoj sporednoj stvari na svijetu, kada je u pitanju ova igra u našoj državi.
- Pratite FB stranicu:
www.facebook.com/sindikاتفudbalerabih/ i za sva pitanja kontaktirajte predstavnika SPFBiH Aldina Đidića - +38761335716. Vaša pitanja možete u punoj privatnosti slati i na facebook stranicu organizacije.



SINDIKAT PROFESIONALNIH
FUDBALERA U
BOSNI I HERCEGOVINI
SINDIKAT PROFESIONALNIH
NOGOMETAŠA U
BOSNI I HERCEGOVINI
СИНДИКАТ ПРОФЕСІОНАЛНИХ
ФУДБАЛЕРА У
БОСНИ І ХЕРЦЕГОВИНИ

PRISTUPNA IZJAVA

Podaci o članu

Ime:

Prezime:

Datum rođenja: Spol: **M / Ž**

Državljanstvo:

Kontakt telefon:

E-mail adresa:

Naziv kluba:

Tip ugovora:



SINDIKAT PROFESIONALNIH
FUDBALERA U
BOSNI I HERCEGOVINI
SINDIKAT PROFESIONALNIH
NOGOMETAŠA U
BOSNI I HERCEGOVINI
СИНДИКАТ ПРОФЕСІОНАЛНИХ
ФУДБАЛЕРА У
БОСНИ І ХЕРЦЕГОВИНИ

POTPISOM NA OVU PRISTUPNICU POTVRĐUJEM:

1. Da dobrovoljno pristupam Sindikatu profesionalnih fudbalera u Bosni i Hercegovini, obavezujući se na poštivanje odredbi Statuta i drugih normativnih akata sindikalne organizacije, i da pristajem plaćati članarinu u skladu sa Statutom i Odlukom o plaćanju članarine Sindikatu profesionalnih fudbalera u Bosni i Hercegovini.
2. Dobrovoljno pristajem da Sindikat profesionalnih fudbalera u Bosni i Hercegovini prikuplja moje, gore navedene, podatke i dalje ih obrađuje i prosljeđuje korisnicima u skladu sa Zakonom o zaštiti ličnih podataka ("Službeni glasnik BiH" broj 49/06, 76/11 i 89/11), a u svrhu identifikacije svojih članova, pružanja pomoći, naplaćivanja članarine, te izvršavanja zakonskih obaveza kontrolora kao voditelja zbirke ličnih podataka.
3. Lični podaci članova, prestankom članstva u Sindikatu profesionalnih fudbalera u Bosni i Hercegovini biti će izbrisani, osim u slučaju postojanja neizmirenih obaveza člana prema Sindikatu profesionalnih fudbalera u Bosni i Hercegovini, i vođenja sudskih postupaka između člana i Sindikata profesionalnih fudbalera u Bosni i Hercegovini.
4. Ja, dole potpisani igrač, izjavljujem da prenosim pravo na korištenje mog lika i imena kao kolektivno pravo kojim će raspolagati Sindikat profesionalnih fudbalera u Bosni i Hercegovini, a zajedno sa prenesenim pravima svih drugih igrača fudbalske reprezentacije Bosne i Hercegovine, za komercijalne svrhe kao što su elektronske kompjuterske igrice ili albumi sa samoljepljivim sličicama.
5. Ova odredba ni na koji način ne utiče na individualna prava našeg člana kao pojedinca, niti će se na taj način koristiti. Prenesena prava od strane članova Sindikata profesionalnih fudbalera u Bosni i Hercegovini, a igrača fudbalske reprezentacije Bosne i Hercegovine, Sindikat profesionalnih fudbalera u Bosni i Hercegovini, u interesu svih svojih članova, može dalje prenijeti na FIFPro - Svjetsku organizaciju sindikata fudbalera.

Datum:

Potpis:

FIFPro

World Players' Union



www.spfbih.ba